

Gou doekseng youq aen mbanjbya mbanjrung
gig bienbik ndeu, daengx mbanj cib geij ranz,
mwngz bang gou rex, saedceij gvaq ndaej baenz
ranz vunz he. Daj ndaw mbanj daengz gwnz haw
ndaw yangh, dwg diuz loh saejgaeq, ngutngut
ngeujngeuj, gumxgumx gangxgangx, raez miz 3
gongleix baedauq. Baez daengz ngoenz doek fwn,
namhsa raemxboengz doxgyaux, ci gyanx vaiz byaij,
diuz loh couh dwg "suijniz lu" cingqmbaek lo, hawj
boux ndi daenj sijhaiz ndi miz giz yamq din.

Daxboh youq gwnz haw son saw, seizgonq
banhaemh hix aeu hwnjdangz, daxboh moix ngoenz
cungj aeu youq diuz loh neix baedauq 6 baez. Mbwn
rengx mbouj ci rumz lij ndei di, baedauq gwn di
moenq uq di faenx couh daengz ranz. Baez loq ci di
rumz, moenq gaen rumz cifiedfed, ma daengz ranz
byoemndaem cungj bienq byoemhau lo; Langh miz
saek aen ci soujfuzdohlahgih hai gvaq, couh baenz
raq baenz raq namhfaenx youq gyang mbwn geuj
bae geuj dauq, vunz byaij gwnz loh aeu bau gyaewj
goemq rwz cix ndaej.

Seiz doek fwn couh yak lai lo, namh met loh
raez, gyaejng ngaem hwet gaeuz. Youq ndaw
yaenqsiengq gou: Baez daengz doek fwn, daxboh
dauq ranz ciengciengz dwg buh dumz gyaejng met.
Mizseiz loh raeuz lai, de byaij loh cix cungj
daengxlaemx daengjhah, haiz caeuq gavaq cungj
dwg raemxboengz, uq ndaej faen mbouj ok dwg vaj
roxnaeuz dwg vaq.

Doenghbaez seizneix, daxboh cungj mienx
mbouj ndaej ndaqnaeuz: Aen mbwn raq neix, caeuq
mbouj doek fwn ceiz mbouj doek fwn, ngaeu-
ngaeu(nyengh) ra seiz langhhag doek fwn.

Miz haemh ndeu, cuengqtagh seiz fwn doek,
daxboh soengq Dahhoengz ranzgwnz baema, byaij
diuz lohnaeuh laeng ranz, youh lingq youh raeuz, de
seiq ga caez yungh hix nanz benz hwnjbae.....

Fwn naek lai, daxboh naemj, aenmauh
Daegsam roh lo, raemxfwn rih deng gyaejng met lo;
Rumz haenq lai, geu buhsuliu Dahhaj deng fongz
mbongq, buh dumz vaq hix met, mboujrox gyoengq-
de daengz ranz rieg doxgaiq mboujcaengz?
Gyoengq lwgnyez ndaw mbanj souhhoj lai ha! Ai!
Langh diuz lohvaiah neix ndaej coih ndei, geijlai
ndei ha.....

Aen ban daxboh son haenx, miz cib geij boux
hagseng dwg lwgnyez ndaw mbanj. Gyoengqde
cib' it cib' ngeih bi, beij gou loq hung, gou heuh

Boh·Loh

父 父 • 路

□ Cinz Lisinh/覃丽新

gyoengqde daeggo dahcej. Seizdoeng ngoenz mbouj
hwnj dangz, gyoengqde cungj maij comz daeuj ranz
gou byoq feiz dajging. Seizhaenx ndaw ranz lij dwg
aeu fwnzhaz dajcawj, ndigah gyoengqde moix baez
daeuj cungj swnhfwngz do daeuj song sam nga
faexroz cauxfeiz, mizseiz lij riuj geij aen maenz geij
aen biek daeuj saz, aenvih daihgya baez naengh
roengzdaej dajging couh dwg ngoenz daengz laep.

Baenz bang vunz naengh henz feiz, gangjgangj
riuriu, gangj rumz gangj fwn, gangj mbwn gangj
deih.....Hoeng daxboh gangj dwk ging dwk cungj
mbouj lumz guh gj hong bonjfaeh: Gangj aen
gojgaeq sat youh swnh gangj di suenqsiuyoz
haeujbae, gangj di sinhwnz youh gangj di sijcih
caeuj dozveh. Seizhaenx gou ceiq maij naengh youq
gyaeujhoq daxboh, ngeng gyaejng dingq daxboh miz
goek miz rieng dwk gangj goj Couh Wnhlaiz, goj
Cuh Dwz, goj Bwngz Dwzvaiz.....De lwnh gyoengq
vunz byoqfeiz nyi: Gijnex dwg boux maenh' ak
minzcuzeiz dwk Yizbwnj caeuq seiz gajifang,
daengx guek gwnzlaj lijmiz haujlai bouxak minzcuzeiz



Vaij gwnz caiq vaij laj,
Hajgak ngaenz hix aeu,
Vih yw gj bingh raeuz,
Bohmeh gaeuznogo' ngo.

Bohmeh gou ranz hoj,
Geu buhdoj hix gai,
Ngaenz mbouj miz geijlai,
Gai cij ndaej ywbingh.

Seizgonq hoj lailai,
Daenj haiz mbouj miz naj,
Daenj buh mbouj baenz vaq,
Gvaq saedceij hix nanz.

Seizgonq caen dwg hoj,
Doiq haizmoq caengz raen,
Doiq haiz geij maenz ngaenz,
Raen boiqseiz boiqnanh.

Aen rek mbouj miz fa,
Baengh goengda yahdaiq,
Daengz ciet rox daengz caiq,
Baengh dadaiq hawj raeuz.

Ndaw ranz mbouj miz haeux,
Gwn caeuq youh ra ngaiz,
Yienznaeuz mbouj miz lai,
Cix gai bae yw bingh.

Gwn haeux mbouj miz byaek,
Yw dwk raeg(gungz) liuxcaez,
Seiz sou daengngoenz raez,
Cienq souhsaw ciengx mingh.

Haeux mboujmiz roengz cauq(rek),
Gauq(baengh) bae ciq ranz nden,
Ndaej saek geng song geng,
Ciengx sengmingh gaxgonq.

Mbouj cam dungx cix iek,
Cam dungx cieglolinlin,
Doengzdoih guenj lwgnding,
Gou ging hoj ging nanh.

Dungxiek nanz gvaq doeng,
Haeuj ndoeng bae ra byaek,
Boh buet ga yaek raek,
Gou binghnaek caj dai.

Gou goet mbouj baenz mingh,
Bingh hwnj youh bingh roengz,
Bae geijlai ngoenz roen,
Doeng(hix) bae sim cij net.

Gizlawz hix ndaej gvaq,
Dahlawz hix ndaej bae,
Bingh gou naekngae' ngae,
Fanz ndawdungx bohmeh.

Vah Ndawsim Dah Dafangz

育女的心声

□ Guj Gyah/古佳

Gou gangj caengz baenz sing,
Yamq din geij yamq laemx,
Gou caeuq vunz doengzaemq,
Bohmeh raemxda roengz.

Bingh yied ngoenz yied naek,
Daej daengz laep mbouj dingz,
Bohmeh mbouj ok sing,
Sim' in lumj cax heh.

Bingh yied ngoenz yied naek,
Raen mbwn laep liuxcaez,
Miz caenghyw couh bae,
Geijlai gyae hix nyienh.

Bingh yied ngoenz yied haenq,
Gaenj lumj feiz remj bya,

Bingh liux cix baihgya,
Ranz haz hix gai liux.

Yienghyieng gai liuxcaez,
Boh bae bya dwk danq,
Ngoenzndit ngoenzfwn ganq,
Canh ngaenz ra canghyw.

Ok haw gwnz haw laj,
Caj ndaej maenz suenq maenz,
Gaen fwnz gai song faen,
Ra ngaenz mbouj yungzheih.

Ndaej geijlai geijlai,
Haibak ciq beixnuengx,
Bohmeh sim caen muengh,
Ndaej beixnuengx doxbang.

raez, gyoengqde dawz gj vunzdig daeuj ciemq
gyaep okbae, aeu lwedhanh vuenh daeuj cij vuenh
ndaej gj huzndei saedceij raeuz ngoenzneix
daeuj. Moixmoix gangj daengz gaenlaeng, de lij
daengq sam daengq seiq: Sou aeu ndeindei hagsib,
ceng' aeu gauj hwnj daihag, hag ndei gohyoz
vwnzva, hag ndaej bonjsah maenh' ak, ngoenzlaeng
dauqma gajibienq aen mbanjranz gungzhoj raeuz,
gensez ndei aen mbanjranz raeuz. Yaek guh ndei
aen mbanj raeuz, daih' it couh aeu sien dawz diuz
loh "suijniz" doeng bae ndaw yangh coih baenz
diuz loh "suijniz" cingqmbaek.

Seizhaenx gou yienznaeuz lij saeq, doiq gj goj
daxboh gangj haenx buenq rox buenq mbouj, mizdi
gip ndaej gyaejng mbouj gip ndaej rieng, hoeng
daxboh gangj ndaej mizyinx raixcaix, gou dingq
ndaej ngaezngwdngwd. It bae ngeih dauq, gou hag
ndaej cihsiz, daj ndaw sim boiqfug aen ukgyaeuj
daxboh: Aen ukgyaeuj daxboh baenzlawz cang
ndaej baenzlai, de yienghawz rox baenzlai goj a?
Seizhaenx ndaw sim gou caegcaeg laebceiq:
Majhung le gou hix aeu guh boux vunz lumj daxboh
ityiengh, ceng' aeu rox doh gj saeh lajmbwn, caemh
aeu dang boux lauxsae son haujlai haujlai hagseng
hungmbwk. Geiq ndaej seizhaenx lwnh gj siengi-
muengh hawj daxboh, daxboh dingq le gig vuenheij
dwk gujli gou ndeindei roengzrengz ne.

Doeklaeng hwnjhag doegsaw, gou hix dwg
boux hagseng daxboh, cawz gaen daxboh hag cihsiz.
lij daj daxboh gizhaenx roxdaengz haujlai gojgaaej
mizgven gohyozgyah hungmbwk, lumjbaenz goj
boux "boh yenzswidan Cunghoz" Cenz Yozswnh
sienseng, goj boux suoyozgyah seiqyaiq gig
mizmingz Va Lozgwngz.....Haujlai goj daxboh
cungj dwg hai bak couh gangj dwk naiz
sinxbyadbyad, cigdaengz gangj daengz byai cix
dingz daeuj gwn raemx. Moix baez daxboh gangj
daengz doenghgij gojgaaej seiq, de cungj ceijyinx
dou bae ra gj saw mizgven doengh boux gohyozgyah
daeuj caiq yawjyawj, mizseiz de lij cujciz dou itheij
gangjlnh gyauhliuz. Raen gyoengq doengzhag yawj
saw maezmwdmwd, daxboh cungj sim' angq naj hai
lumj duj va ronghsien. Doengh boux nyangz daengz
aen vwndiz geizheih, daxboh cungj naihsim bae
gangjgej; raen doengh boux yawj ndaej daegbied
nyinhcaen, daxboh iet fwngzmeh daeuj gujli de,
daengq de lai gaenx doengh uk bae naemjgeix.

(caengz sat)